

बापजी सोय रया कांई सांसे भरिया,
कला हटगी कांई मलेछो सू डरिया,
आगे आवता कांई अलंगो रे खड़िया,
सांकल घाल सेंटा कुण जड़िया ॥

हमकोड़ी सायल सुणो बाबा ऐसी,
धणिया बिना खबर कुण लेसी,
बापजी बड़ा बड़ा भिड़दो रा भारा,
आप शशि म्हे नवलख तारा ॥

थे मिणधारी म्हे लिया थोरा सहारा,
आप बिना कुण करे निस्तारा,
बापजी बड़ा बड़ा थे अनवी निवाया जे,
हाजर होय ने परचा पाया ॥

परचे रे कारण थे पीर कहवाया,
रमता राम रुणेचे आया,
बापजी पीर कहूँ थे हो परमेश्वर,
जती सती जूना जोगेश्वर ॥

अणघड़ आप आबू अचलेश्वर,
कथ कथ गया थोने केई कवेश्वर,
बापजी सतजुग कळजुग किया एक तोले,

झाड़ झपट रे पवन रे ओले ॥

गुरु बीजोंजी सिस धेनो बोले,
कळजुग कलम राखजो कोने,
हमकोड़ी सायल सुणो बाबा ऐसी,
धणिया बिना खबर कुण लेसी ॥

बापजी सोय रया कांई सांसे भरिया,
कला हटगी कांई मलेछो सू डरिया,
आगे आवता कांई अलंगो रे खड़िया,
सांकल घाल सेंटा कुण जड़िया ॥

गायक गायक राजूराम जी सेजू थोब ।
प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/baap-ji-soy-aya-kai-sanse-bhariya-sayal/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>